



**Quæstionum Canonicarum, In Quinque Libros
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

Schlüter, Georg

Augustæ Vindelicorum, 1708

Articulus XIV. De Testamentis privilegiatis.

[urn:nbn:de:hbz:466:1-73045](#)

In Tit. XXVI. De Testamentis, & ultimis Volunt. 520

ab eo designatum L. post mortem 12. C. de Fideicommiss. Si nullum designavit, debent intra annum, alias devolvitur ad Episcopum, si post previam monitionem, saltem unam, à Judice sive Ecclesiastico, sive Laico factam, non exequantur, Glosa in c. sibheredes 6. §. adimpleverint h. t. & t. Nos quidem p. 3. eod.

2299 Not. 5. Si hæres ultimam voluntatem defuncti, post Judicis admonitionem, intra annum adimplere negligit, cum amittere totam hæreditatem, ut nihil commodi ex rebus, à defuncto sibi reliatis, percipiat, per Authent. hoc amplius C. de fideicomm. &c. si, cessante legitimo impedimento, negligat solvere legata pia intra sex mensēs, à die insinuationis testamenti numerandos, in penam legata restituere debet cum omnibus fructibus, & augmento, seu emolumento, quod à tempore mortis Testatoris ex iis percipi potuit, de quo V. Layman l. 3. rr. 6. c. 11. n. 13. Abbas in c. sibheredes.

2300 Not. 6. Si præmisâ binâ monitione, per Episcopum factâ, adhuc pia legata exequi negligat, etiam ante annum elapsum, privari omnibus commodis, ex testamento ipsi delatis, per Authent. de Eccles. §. si quis autem pro redempt. c. 11. collat. 9. Denique, si perperam neget, legatum esse Ecclesie, aut aliis locis pia, & in illa negotiatione persistat usque ad sententiam, condemnandum esse in duplum. §. item juxta. Inßit. de actionib. & præter hoc tam hæres, si ipse sit Executor, quam etiam Extraneus in dato casu negligentia predictas poenas incurrit, & Executoris munere privatur; Colligitur ex L. si Patroni. ff. ad S. C. Trebell.

2301 Quæres 2. an Executores possint à iusta, & licita Testatoris voluntate discedere, vel eam in aliud, quamvis melius opus, committare? R. quod non, nisi interveniat auctoritas Summi Pontificis, vel Supremi Principis Secularis ex iusta, & necessaria causa. Constat ex c. Conquestus. 16. de foro compes. & c. 3. h. t. Clement. 2. de Relig. domib. Trid. Seff. 22. de reform. c. 6. L. 1. & 4. ff. de administr. rer. ad civit. pertinent.

2302 Quæres 3. an Executore mortuo officium eius transeat ad hæredem? R. negativè ex c. 2. §. Sanè h. t. n. 6. Si autem Executio commissa sit Prælato sub nomine Tom. III.

sui Officii, Prælatura, vel Dignitatis, eo mortuo transit ad ejus Successeorem, nisi aliud colligatur ex verbis, vel circumstantiis, v. g. quia fuit propinquus, specialis amicus &c. quia tunc potius præsumitur commississe personæ.

ARTICULUS XIV.

De Testamentis privilegiatis.

X dict. an. 1994. constat ex testamen- 2303
tis aliud esse, quod dicitur non solene-
ne, nimurum specialiter privilegiatum,
ita, ut aut nullas, aut saltem non omnes
solemnitates, iure communi prescriptas,
exigat. Sub hoc primo loco venit testa-
mentum Militis; circa quod nota 1. hoc,
factum in expeditione, validum esse sine
omni solemnitate, modo constet de ipsius
voluntate, ut habetur ex L. 1. §. 1. ff. de
Testam. milit. L. 5. & 15. C. eod. & Inßit.
in princip. eod. hoc privilegium iure com-
muni (in L. 16. eod.) extenditur etiam
ad eos, qui castra sequuntur pro militum
obsequiis, aut militiae causâ, ut sunt Me-
dici, Chirurgi &c. Coeterum Miles,
qui testari vult, dum versatur extra castra,
& in expeditione, communi iure utitur
§. 3. Inßit. eod. ac L. penult. C. eod. Quæ-
stio est, an hæres scriptus in testamento
militari hæreditatem consequi valeat, si
Testator moriatur intra annum post suam
à militia liberationem, si testamentum
prius conditum fuit jure militati? 2. an
etiam, si moriatur post annum à sua libe-
ratione? R. ex L. 38. ff. eod. & quidem ad
1. affirmativè, ad 2. autem negativè, nisi
apposita fuerit conditio, quæ primum
evenerit etiam post mortem defuncti, cla-
pso jam anno sua liberationis.

Secundò venit Testamennum paternum 2304
inter liberos legitimos; hoc enim consistit
nuda parentum voluntate, qua ipsi hæ-
redes instituuntur per L. inter omnes 26. C. Fa-
milia eriscundæ, ibi: Inter omnes dun-
tax hæredes suos, qui ex quolibet venientes
gradu tamen pares videntur esse, vel eman-
cipatos, quos Prætor ad Successionem vocat,
sive capti, neq; impletum testamentum,
vel Codicillus, seu epistola Parentis esse me-
moretur. Sive quocunque alio modo scri-
ptura, quibuscumque verbis vel indicis in-
veniantur relicte, iudicio familie eriscun-
da, hæret ab intestato ad Successionem liberè
vocen-

530 Tract. in Lib. III. Decretal. Questio XXVI.

vocentur, servato Senatus consulti auxilio, defuncti dispositio custodatur, etiam si solennitate legum huiusmodi dispositio fuerit defituta, si vero in huiusmodi voluntate, designatis liberis, alia sit mixta persona, certum est eam voluntatem, quantum ad illam duntaxat personam permixtam, pro nulla haberi; quod intellige, dummodo clarè constet de Testatoris voluntate.

2305 Item habetur L. hac consultissima 21. C. de Testam. §. 1. ibi: ex imperfecto autem testamento voluntatem tenere defuncti, nisi inter solos liberos à parentibus utriusque sexus habeatur, non volumus. Si vero in huiusmodi voluntate, liberis alia sit extranea mixta persona; certum est eam voluntatem defuncti, quantum ad illam duntaxat permixtam personam pro nullo haberi, sed liberas ad crescere.

2306 Ex his deducitur testamentum paternum inter liberos valere sine aliis solennitatibus, modo Testator (si testari velit in scriptis) manu propriâ, (si literas sciat) tempus facti testamenti declarat, filiorum nomina propria, & unciarum modum, in quibus eos vult hæredes; sic enim quidam volunt accipi textum in Novella 107. c. 1. exinde colligentes, non valere testamentum inter liberos, nisi suâ manu, suisque liberis parens scripsit nomina liberorum, tempus, & unciarum modum. Verum mens Justiniani potius haec fuit, ut sive scribat testamentum parens, sive alius pro eo, illud literis praescribatur, non notis, alioquin testamentum non valere, & patet ex textu, ibi: non signis numerorum significandas, sed per rotas literas declarandas: ut undique clara, & indubitate constent.

2307 Deducitur 2. in casu, quo non in scriptis, sed nuncupativè parentes testari volunt inter liberos, sufficere duos testes idoneos, sine eo, quod sint rogati, sine alia qualitate à jure ceteroquin in hoc punto testamentorum requisita, modo sint idonei ad deponendum de ultima voluntate defuncti; cum in testamento inter liberos jus gentium, non civile, quo ad solennitates consideretur per L. ult. C. famili. herisfund. & auth. Quod sine C. h. t.

2308 Deducitur 3. quando dicimus, valere testamentum paternum inter liberos sine solennitatibus juris civilis, dictum procedere quodlibet in coinstitutos, non au-

tem quod personas extraneas, nam quod ad has non valet, & quod illis relictum est, liberis accrescit, ut dictum est ex cit. juribus n. 2305. quod tamen accipe, nisi adhibiti sint duo testes (echo alii rectius velint quinque) per Novellam 107. c. 1. ibi: si tamen aut uxori, aut extraneis personis aliquibus volueris relinquere legata, aut fideicomissa, aut libertates, & hac propria scripta manu, dictaque à Testatoribus coram testibus, quoniam omnia consequenter in dispositione posita ipse, & scripserunt, & volunt valere, sint firma: nibilo minuenda eo, quod videantur in charta scripta, reliquam observationem testamentorum non suscipiente, sed hoc solum immutetur, quod eius manus, & lingua habet, omnem veritatem charta prabitam.

Tertio loco est testamentum ad pias causas, quod nimurum conditum est à defuncto pro salute animæ suæ, ad DEL culum, favorem Ecclesiaram, Xenodochiorum, pauperum, erigendorum pro juventute studiorum, &c. In hoc testamento non requiri omnes juris civilis solennitates constat ex dict. à n. 2110. & quamvis de jure canonico exigantur duo testes; id tamen non pertinet ad formam talis testamenti substantialem; sed tantum probatoriam, ex n. 2112. nec enim de his, quæ relata sunt pīs caulis, judicari debet secundūm leges, sed Sacros Canones, constat ex c. Relatum 11. h. t.

Quarto loco est testamentum Rustici, de quo L. fin. C. de Testam. ubi dicitur: ab antiquis retro Principibus semper Rusticitati consultum, & in multis legum substitutionibus strictam observationem eis remissam esse, quod homines rustici, & quibus non est literarum peritia, non possint tantam legum subtilitatem custodire in ultimis suis voluntatibus. Quare protestamentis istorum Sancta sunt seqq. & i. in illis locis, in quibus raro inveniuntur homines literati, per praesentem legem Rusticanis conceditur, antiquam eorum consuetudinem, legis vicem obtinere, ita tamen, ut, ubi scientes literas inventi fuerint, septem testes (quos ad testimoniū convocari necesse est) adhibeantur, & unusquisque pro sua persona subscribat; secundò, ut, ubi non inveniuntur scripti testes, etiam sine scriptura testimoniū adhibentes admittantur.

Tertio,

2311 Tertiò, ut, si in illo loco minimè inveniantur septem testes, sufficient quinque, non autem pauciores; quartò, ut, si unus, aut duo, vel plures fuerint literati, licet eis, pro ignorantibus literas, præsentibus tamen subscriptionem suam interponere, sic tamen, ut ipsi testes cognoscant Testatoris voluntatem, & maximè, quem, vel quos hæredes sibi reliquere voluerit, & hoc post mortem Testatoris jurati deponant; concludit demum his verbis, *quod igitur quisque Rusticorum (secus predictum est) pro suis rebus disposuerie, hoc omnimodo, legum subtilitate remissa, firmum validumque constat.* Circa quam legem illud adverte, quod dicitur *de numero Testium*, subscriptione &c. intelligi solum de locis, in quibus habentur homines literati; secus antiquam rusticorum consuetudinem *legis vicem* obtinere.

2312 Demum etiam testamentum condi-

tum tempore pestis, privilegiatis annumeratur, de quo Imperator L. Casus. 8. C. b. 1. Casus, inquit, majoris, ac novi contingentis ratione adversus timorem contagionis, quæ testes deterret, licet aliquid de jure laxatum sit, non tamen prorsus aliqua testamentorum solennitas perempta est; *Testes enim hujusmodi morbo oppresso et tempore jungi, atque sociari remissum est,* non etiam conveniendi numeri eorum observatio sublata est; ubi tamen communiter notant interpretes duos sufficere, moti c. Cum esses de testam. Sed & Spiræ ita probatum esse testamentum, refert Minsingerus 1. Obs. 96. & cum in hostico testantibus duo testes sufficient L. 1. ff. de bon. possess. milit. L. ult. ff. de testam. milit. & in rusticis testium numerus legitimo minor requiratur. L. ult. ff. eod. Cum necessitas legem non habeat; ut notatur ibid. lit. D.

QUÆSTIO XXVII. IN TIT. XXVII. DE SUCCESSIONIBUS AB INTESTATO.

2313 **I**ntestatus, inquit Justinianus princ. Instit. h. t. decedit, qui aut omnino testamentum non fecit, aut non jure fecit, aut id, quod fecerat, ruptum, irritumve factum est, aut se ex eo nemo hæres extiterit; quod brevius reddendo, idem est, ac decedere sine hærede testamentario. Unde si quis ita decedat, illi ab intestato succedere dicuntur, ac eo ordine, qui à lege in talē successionem vocantur, quia verò aliqui decedunt sine hærede testamentario, quod facultatem testandi non habebant, alii verò, qui habebant, sed non condiderunt, aliqui censem impubes, & alios facultate testandi carentes, quæstio est, an hi dici possint intestati? Sed hoc solvit ex L. 1. ff. de suis, & legitimis, ibi: *plane, qui testari non potuit, propriè non est intestatus, puta impubes, furiosus, vel cui bonis interdictum est;* sed hos quoque pro intestatis accipere debemus, nec à consuetudine, qua etiam tales intestati appellantur, recedendum, quamvis primi possint dici negativè, alii, privativè intestati.

Tom. III.

ARTICULUS I.

De Ordine Successionis ab Intestato.

2314 **A**nte resolut. suppon. 1. dupliciter posse hæreditatem deferri ad alium, vel extestamento, sive justâ ultimâ voluntate defuncti, vel ab intestato, §. fin. Instit. per quas personas nobis acquiri; & priorem successionem vocari *testamentariam* L. 3. §. de illo ff. pro socio, posteriore legittimam successionem dici, L. legittimam 8. ff. de petit. hæred. quia per illam ex lege hæreditas defertur. Utraque successio in multis convenient, 1. quia in quilibet succeditur in jus universum defuncti, L. hæreditas. 62. ff. de reg. Juris, 2. in quilibet detrahitur Falcidia, L. *Filius familias.* 18. ff. ad legem Falcid. 3. in quavis opus est hæreditatis aditione. L. si ex pluribus, 9. ff. de suis, & legit. hæred. quia alias hæreditas non transmittitur ad transversales hæredes, L. *quoniam* 7. C. de jure deliber. neutra tamen ex pacto, vel contractu acquiri potest, L. Hæreditas 5. C.

Xxx 2

de